

SÄÄMI KIELÄTAHO

–palhâšume uáivilin lii adelid tubdâstâs sâmi kielâ sajattuv já sâmi kielâlij palvâlusâi ooddedmân porgum merhâšittee pargoost Suomâst. Säämi kielâräädi mieđeet Säämi kielâtaho –palhâšume Yle Sâpmin čuávvo agâiguin:

Yle Sâpmi lii meritiätulâš luvij iivij pargoin ânsulávt ovdedâm sâmi kielâ sajattuv já fáálám palvâlusâid sâmi kielâiguin. Yle Sâpmi lii vuáđupargos tiäđusirdem paaldâst toimâm sâmi kielâi ellen siäilum já meid sâmi kielâ iälâskitem peeleeest.

Yle Sâpmi lii jieijâs toimâin pajedâm sâmi kielâi sajattuv sehe sâmi kuávlust ete ubâ Suomâst. Sâmiaalmugist paijeel peeli áásá suomâkielâlâš pirrâsist jieškote-uv kuávluin Suomâst sâmi kuávlun ulguubeln. Aasâmpirrâsist, kost sâmi kielâ kulloo tuše harvii, jieijâškielâlij uđđâsij já eres sâmi kielâlij ohjelmij tergâdisvuotâ tiäduttuvá.

Yle Sâpmi kiävttä puoh Suomâst sárnum sâmi kielâid. Anarâškielâ, nuortâlâškielâ já tavesâmi kielâ kullojeh Yle Sâpmi vuolgâttâsâin piäiválávt, mut Yle Sâpmi movtjidittoo lasettiđ anarâškielâlâš já nuortâlâškielâlâš ohjelpyevtittâs. Yle Sâpmi sâmi kielâliih radiovuolgâttâsah, ohtsâštaveennâmliih tv-uđđâseh Ođđasat sehe Yle Sâpmi juovlâmáánu 2013 aalgâst algâttâm eehidpeeivi tv-uđđâseh láá lamaš merhâšittee läävhih jieijâškielâlii tiäđusirdem ovdánmist já toh láá lasettâm sâmi kielâi oinumvuodâ já kullumvuodâ. Yle Sâpmi lii ovdedâm ohjelpyevtittâs puoh ahejuávhoid. Uđđâsumos lii nuorâid rävisulmuid uáivildum radio-ohjelm, mii laidistuvvoo anarâškielân já tavesâmi kielân.

Yle Sâpmi lii ovdedâm palvâlusâidis meid internetist. Yle Sâpmi internetsiijđoin láá uđđâseh luuhâmnáál pyeremuu tááhust kuulmâ sâmi kielân sehe suomâkielân. Tobbeen puáhtá luodid sâmi kielâlijd radio- já tv-ohjelmijd. Siijđoin lii meid sâmi kielâlâš, puohháid áávuš Shoutbox-savâstállâmsaje, mii lii tergâdis nuorâi kielâkevttimaareen. Yle Sâpmi radiokanava lii máhđulâš kuldâlid Internetradio peht ubâ Suomâst já kost peri maailmist.

Sâmitigge já Säämi kielâräädi tuáivuv, et Säämi kielâtaho –palhâšume movtjidit Yle Sâpmi juátkid já ovdiiŧ pyeredid sâmi kielâi ovdân ráhtám šiev pargos.



SÄÄMI KIELÄTAHO -palhâšume 2013 lii Outi Pieski kyehti maalâkove "Nuvvos Áiligas, eennâm suddá" já "Kolle-eennâm".

"Maalâkuuvij vuolgâsaijeen lii muu koskâvuotâ aldâpirrâs enâdâhân, jieškote-uv enâdâhsoojij historjân, mainâsáid já muu jieččân ferimáid tain. Viigâm vijđedid̄ jurduu enâduv keččâmist ton feerimân, olesváldâlâšvuotân, moos kuleh meid enâdâhân lohtâseijee oskomušah já mainâseh. Muu kiäsut, ete maht tuodârluándu lii siämmást sehe meccikuávlv ete kulttuurpiirâs. Nuvvos Áiligas lii toovláš pase tuodâr mon vieltih láá ain tievâ merhâsuumijn.

Maalâkuuvij roobdâid čijâtteh sämimááccuh liijne riessâmeh. Muu tuojijn távjá uáinojeijee ärbivuáváliih sämityeje elementih lääččih ohtâvuodâ ulmuid, kiäh eellih teikâ láá iällám maalâkoveest kovvejum saajeest. Muu kiäsut jotteeđ kovetaiduu já tyeje rääjist," maainâst Outi Pieski suu maalâkuuvijn.

Kovetaaidâr Outi Pieski (š. 1973) áásá já parga Ucuuvâst já Helsigist. Tave luándu puátá oovdân maangâin suu tuojijn. Pieski taaidâ siskeeld maalâkuuvijd, taaidâubâlâšvuodâid já sajetaaidâráhtusijd, moh távjá láá amnâstum sämityejitekniiháid kevttimáin. Porgâmist uáinoo luándu já kulttuur noonâ ohtâvuotâ. Realism juállán persovnlâšvuodâ já äigitemvuodâ tobdon.

Outi Pieski lii valmâštum Kovetaaidâakatemiâst ive 2000. Sun lii toollâm priivaatčáitálmâsáid tave-enâmijn já suu pargoh láá lamaš čáittusist maangâin juávkkučáitálmâsâin Euroopâst já Tave-Amerikâst. Pieski lii porgâm meid almos ráhtusijd, el. ive 2012 Säämi kulttuurkuávdáš Sajosân, lasseen suu pargoh láá maangâin almos já priivaat čuágalduvvâin.

